

BX2003

A4

1790



UNIVERSIDAD NACIONAL AUTÓNOMA DE MEXICO

Fr. Juan Co. Torresales

PROPRIMUM EPISTOLARUM DE TEMPORE.

DOMINICA PRIMA ADVENTUS.

Lectio Epistolæ Beati
Pauli Apóstoli ad
Romános.

Rom.
31. d.

FRatres, Sciéntes, quia hora est jam nos de somno surgere. Nunc enim prior est nostra salus, quàm cum credidimus. Nox præcëssit, dies autem appropinquavit. Abjiciamus ergo ópera tenebrarum, & induamur arma lucis. Sicut in die honestè ambulémus: non in comessationibus, & ebrietatibus: non in cubilibus, & impudiciis: non in contentiõne, & æmulatione: sed induimini Dóminum Jesum Christum.

DOMINICA II.
Advéntus.

Lectio Epistolæ Beati
Pauli Apóstoli ad
Romános.

Rom.
15.

FRatres, Quæcúmque scripta sunt, ad nostram doctrinam scripta sunt: ut per patientiam, & consolationem Scripturarum, spem habeamus. Deus autem patientiæ & solatii det vobis idípsum sapere in alterutrum secundum Jesum Christum: ut unánimes, uno ore honorificëtis Deum, & Patrem Dómini nostri Jesu Christi. Propter quod suscipite ínvicem,

sicut & Christus suscepit vos in honorem Dei. Dico enim Christum Jesum ministrum fuisse circumcisiōnis propter veritatem Dei, ad confirmandas promissiones patrum: Gentes autem super misericordia honorare Deum, sicut scriptum est: Propterea confitebor tibi in Gētibus Dōmine, & nōmini tuo cantabo. Et iterum dicit: Lætāmini Gentes cum plebe ejus. Et iterum: Laudate omnes Gentes Dōminum: & magnificate eum omnes pōpuli. Et rursus Isaías ait: Erit radix Jesse, & qui exurgit regere Gentes, in eum Gentes sperābunt. Deus autem spei repleat vos omni gāudio & pace in credēdo: ut abundētis in spe & virtūte Spīritus Sancti.

DOMINICA III.

Advēntus.

Lectio Epistolæ Beati Pauli Apōstoli ad Philippēses.

FRatres, Gaudete in Dōmino semper: iterum dico, gaudete. Modestia vestra nota sit omnibus hominibus: Dōminus enim propè est. Nihil solliciti sitis: sed in omni oratione & obsecratione cum gratiarum actione, petitiones vestræ innotescant apud Deum. Et pax Dei, quæ exuperat omnem sensum, custodiat corda vestra & intelligentias vestras, in Christo Jesu Dōmino nostro.

Phil.
4.

FE.

FERIA QUARTA
Quatuor Temporum
Advēntus.

PROPHETIA.

Lectio Isaïæ Prophetæ.

Isai.
2.

IN diēbus illis: Dixit Isaías Prophēta: Erit in novissimis diēbus præparatus mons domus Dōmini in vértice montium, & elevabitur super colles, & fluent ad eum omnes gentes. Et ibunt pōpuli multi, & dicent: Venite, & ascendāmus ad montem Dōmini, & ad domum Dei Jacob, & docēbit nos vias suas, & ambulābimus in semitis ejus: quia de Sion exhibit lex, & verbum Dōmini de Jerúsalem. Et judicabit Gentes, & arguet pōpulos multos: & conflābunt glādios suos in vómeres, & lanceas suas in falces: non levabit gens contra gentem gladium, nec exercebuntur ultra

ad prælium. Domus Jacob venite, & ambulēmus in lumine Domini Dei nostri.

Epístola

Lectio Isaïæ Prophetæ.

IN diēbus illis: Locutus est Dōminus ad Achaz, dicens: Pete tibi signum á Dōmino Deo tuo in profundum infēni, sive in excelsum suprā. Et dixit Achaz: Non petam, & non tentabo Dōminum. Et dixit: Audite ergo domus David: Numquid parum vobis est molestos esse hominibus, quia molesti estis & Deo meo? Propter hoc dabit Dōminus ipse vobis signum. Ecce virgo concipiet & pariet filium: & vocabitur nomen ejus Emmāuel. Butyrum & mel comedet, ut sciat reprobare malum, & eligere bonum.

Isai.
7. b.

A 2

FE.

FERIA SEXTA
Quatuor Temporum
Advéntus.

Léctio Isaíæ Prophétæ.

Isai.
 11.

HÆc dicit Dóminus Deus: Egre-diétur virga de radíce Jesse, & flos de radíce ejus ascéndet. Et requiescet super eum spíritus Dómini: spíritus sapiéntiæ & intelléctus, spíritus consílii & fortitúdinis, spíritus scientiæ & pietátis, & replébit eum spíritus timóris Dómini. Non secúndum visiónem oculórum judicábit, neque secúndum audítum áurium árguet: sed judicábit in justítia páuperes, & árguet in æquitáte pro mansuétis terræ: & percútiet terram virga oris sui, & spírítu labiórú suórum interficiet ímpium. Et erit justítia cíngulum lumbó-

rum ejus: & fides cinctórium renú ejus.

SABBATO
Quatuor Temporum
Advéntus.

PROPHETIA PRIMA.
Léctio Isaíæ Prophétæ.

IN diébus illis: Clamábunt ad Dóminum à fácie tribulántis, & mittet eis salvatórem & propugnatórem, qui líberet eos. Et cognoscétur Dóminus ab Ægypto, & cognóscet Ægyptii Dóminum in die illa, & colent eum in hóstiis & in munéribus: & vota vovebunt Dómino, & solvent. Et percútiét Dóminus Ægyptum plaga, & sanábit eam, & revertentur ad Dóminum, & placábitur eis, & sanábit eos Dóminus Deus noster.

Isai.
 19. d.

PRO-

PROPHETIA SECUNDA.

Léctio Isaíæ Prophétæ.

Isai.
 35.

HÆc dicit Dóminus: Lætábitur desérta, & ínvia, & exultábit solitúdo, & florébit quasi lílium. Gérminans germínábit, & exultábit lætabúnda & laudans: glória Líbani data est ei: decor Carmeli, & Saron, ipsi vidébunt glóriam Dómini, & decórem Dei nostri. Confortáte manus dissolútas, & gèna debília roboráte. Dicite pusillánimis: Confortámini, & nolíte timére: ecce Deus vester ultiónem addúcet retributiónis: Deus ipse véniet, & salvábit vos. Tunc aperiéntur óculi cæcórú, & aures surdórum patébunt. Tunc sáliet sicut cervus claudus, & apérta erit lingua mutórum: quia scissæ

sunt in desérto aquæ, & torrentes in solitúdine. Et quæ erat árida, erit in stagnum, & sítiens in fontes aquárum. Ait Dóminus omnipotens.

PROPHETIA TERTIA.

Léctio Isaíæ Prophétæ.

HÆc dicit Dóminus: Super montem excésum ascénde tu, qui evangelizas Sion: exálta in fortitúdine vocem tuam, qui evangelizas Jerusalem: exálta, noli timére. Dic civitatibus Juda: Ecce Deus vester: ecce Dóminus Deus in fortitúdine véniet, & bráchium ejus dominábitur: ecce merces ejus cum eo, & opus illius coram illo. Sicut pastor gregem suum pascet: in bráchio suo congregábit agnos, & in sinu suo levábit eos,

Isai.
 40. b.

Dó-

Dóminus Deus noster.

PROPHETÍA QUARTA.

Léctio Isaíæ Prophétæ.

Isai.
45.

HÆc dicit Dóminus Christo meo Cyro, cujus apprehéndi dexteram, ut subjiciam ante faciém ejus gentes, & dorsa regum vertam, & apériam coram eo januas, & portæ non claudéntur. Ego ante te ibo: & glorióso terræ humiliábo: portas æreas cónteram, & vectes ferreos confrígam: Et dabo tibi thesauros absconditos, & arcána secretórum: ut scias quia ego Dóminus, qui voco nomen tuum, Deus Israël. Propter servum meum Jacob, & Israël eléctum meum, & vocávi te nómine tuo: assimilávi te, & non cognovísti me. Ego Dóminus, & non est

ámplius: extra me non est Deus: accínxi te, & non cognovísti me. Ut sciant hi, qui ab ortu solis, & qui ab occidénte, quóniam absque me non est. Ego Dóminus, & non est alter, formans lucem, & creans ténebras, faciens pacem, & creans malum: Ego Dóminus faciens ómnia hæc. Rorâte cœli desuper, & nubes pluant justum: aperiátur terra, & gérmínet Salvatórem: & justítia oriátur simul: ego Dóminus creávi eum.

PROPHETÍA QUINTA.

Léctio Daniélis Prophétæ.

IN diébus illis: Angelus Dómini descendit cum Azaría, & sóciis ejus in fornácem: & excússit flammam ignis de fornáce, & fecit médium fornácis quasi

Dan.
3.

ven-

ventum roris flantem. Flamma autem effundebatur super fornácem cúbitis quadraginta novem: & erúpit, & incéndit quos réperit juxta fornácem de Chaldæis ministros regis, qui eam incendébant. Et non tétigit eos omnínò ignis, neque contristávit, nec quidquam moléstie intulit. Tunc hi tres quasi ex uno ore laudábant & glorificabant & benedicébant Deum in fornáce, dicéntes:

EPÍSTOLA.

Léctio Epístolæ Beati Pauli Apóstoli ad Thesalonicéenses.

FRatres, Rogámus vos per advéntum Dómini nostri Jesu Christi, & nostræ congregatiónis in ipsum: ut

2. Thesal.
2.

non citò moveámini à vestro sensu, neque terreámini, neque per spíritum, neque per sermónem, neque per epístolam tamquam per nos missam, quasi instet dies Dómini. Ne quis vos seducat ullo modo: quóniam nisi vénerit discéssio primùm, & revelátus fuérit homo peccáti, filius perditionis, qui ad-versátur & extóllitur super omne quod dicitur Deus, aut quod cólitur, ita ut in témplo Dei sédeat, osténdens se tamquam sit Deus. Non retinétis, quòd cum adhuc essem apud vos, hæc dicebam vobis? Et nunc quid detíneat scitis, ut revelétur in suo témpore. Nam mystérium jam operátur iniquitátis: tantum ut qui tenet nunc, teneat, donec de medio fiat. Et tunc revelábitur ille iniquus,